

**25 IANUARIE**  
**RUGĂCIUNEA 1**  
**SF. IERARH-MUCENIC**  
**PETRU ZVEREV,**  
**ARHIEPISCOPUL VORONEJULUI**

**Молитва 1**

О, досточудне Петре, священномучениче славный, един от сонма новомучеников Соловецких и всея земли Русския, граду Воронежу похвало, пастырю дивный стада Христова, верный служителю Божий, защитителю ревностный Церкви Православныя!

Все житие твое любви ко Господу и страданий о Христе исполнено бысть, ты бо, многая мучения, болезни и скорби, изгнания и заточения Его ради претерпев, исповедник безстрашен явился еси и венцем нетленныя твоя славы Церковь Русскую украсил еси. Вся предав в руке Божии, доблественне служение твое на земли совершил еси и на Голгофе Анзерстей кончину мученическую прияти сподобился еси, богоблаженне. Ныне к Небесному лику причтенный, и венец мученический за Христа приемый, со многими жители Горняго Иерусалима в Царстве Божественныя любви пребываеши.

О, блаженне отче наш Петре, помози нам храмину сердца своего незапустевшу хранити, научи нас радость во страданиях о Христе обретати, озари путь наш крестный сиянием твоея святыни. Буди и ныне нам утверждение в вере, да, пришед, обрящет ю Господь не угаснувшу в сердцах наших. Умоли Творца всяческих даровати нам силу и крепость, да не устрашившися страха лукаваго, исповедаем твердо Христа Спаса нашего и Его милосердием части злых да избавимся в день страшный воздаяния, и в радость вечную вселимся, славяще о всем Вседержителя Бога, и твое благодатное к Нему о нас предстательство во веки веков. **Аминь.**